

## II. PAZKO IGANDEA (B)

### Otoitza

Betiereko errukiaren Jainko Jauna,  
 Pazko jaietan berritu egiten duzu zeure herriaren fedea;  
 haundi ezazu guregan Zuk emandako grazia,  
 hobeto ikus dezagun, nolako Bataioak garbitu gaituen,  
 nolako Espirituak biziberritu  
 eta nolako odolak erosi.  
 Zure Seme Jesu Kristo.

I. IRAKURGAIA: Ap Eg 4, 32-35

*Sinestedun guztiak bat ziren bihotzez eta gogoz.*

Apostoluen Eginetatik

Sinestedunen taldeko guztiak bat ziren bihotzez eta gogoz. Eta inork ere ez zuen esaten, bere gauzak bereak zituenik; guztia guztiena zuten. Apostoluek kementsu ematen zuten Jesus Jaunaren piztueraren aitormena, eta guztiak oso ongi ikusiak ziren.

Ez zen behartsurik haien artean. Izan ere, lurrak edo etxeak zituztenek saldu egiten zituzten, eta haien saria ekarri eta apostoluen oinetan ipintzen zuten, eta handik ematen zitzaion bakoitzari behar zuena.

ERANTZUN SALMOA: Sal 117, 2-4. 16bc-18. 22-24

R/. **Eskerrak Jaunari, ona baita,  
 Haren maitasuna betikoa baita.**

Edota: **Aleluia.**

Israel etxeak hau esan beza:

«Haren maitasuna betikoa.»

Aaron etxeak hau esan beza:

«Haren maitasuna betikoa.»

Esan bezate Jaunaren beldur direnek:

«Haren maitasuna betikoa.» R/.

«Jaunaren eskuinak nau altxatu,  
 Jaunaren eskuina bizkor da jokatu.»

Hil ez, baino bizi naiz egingo,

Jaunaren eginak nik oihuegingo.

Zigortu nau Jaunak, zigortu,

baina ez nau heriotzaratu. R/.

Etxegileek baztertutako harria,

berori gertatu da giltzarria.  
 Jaunak egin du hori,  
 gure begien harrigarri.  
 Hau da Jaunak egin duen eguna,  
 gu pozteko eta alaitzeko eguna. R/.

II. IRAKURGAIA: 1 Jn 5, 1-6

*Jaungoikoarengandik jaio den guztiak garaitzen du mundua.*

San Joan Apostoluaren epistolatik

Senide maiteok:  
 Jesus Mesias dela sinesten duen guztia  
 Jaungoikoarengandik jaio da,  
 eta biziemailea maite duenak  
 biziemailearengandik jaioa ere maite du.  
 Honetan ezagutzen dugu,  
 Jaungoikoaren seme-alabak maite ditugula:  
 Jaungoikoa maite badugu  
 eta Haren aginduak betetzen baditugu;  
 hau da, izan ere, Jaungoikoa maitatzea:  
 Haren aginduak betetzea.  
 Eta Haren aginduak ez dira astunak.  
 Jaungoikoarengandik jaio den guztiak  
 garaitzen baitu mundua;  
 eta mundua garaitu duen garaipena hau da:  
 gure sinesmena.  
 Izan ere nor da mundua garaitzen duena,  
 Jesus Jaungoikoaren Semea dela  
 sinesten duena baizik?  
 Hau da urez eta odolez etorri zena: Jesu Kristo.  
 Ez urez bakarrik, urez eta odolez baizik:  
 Espiritua da, honetaz aitormen egin duena,  
 eta Espiritua egia da.

EBANJELIOA: Jn 20, 19-31

**Aleluia:** Jn 20, 29

R/. Aleluia.

V/. Ikusi nauzulako sinetsi al duzu? –dio Jaunak–;  
 zorionekoak, ikusi gabe sinesten dutenak. R/.

*Handik zortzi egunera, berriro agertu zitzaizen Jesus.*

Jesu Kristoren Ebanjelioa San Joanen liburutik

Astearen lehenengo eguneko ilunabarrean, etxe batean bildurik zeuden ikasleak. atear itxita.  
 judutarren beldurrez. Sartu zen Jesus eta, haien erdian zutik, esan zie

esanda, eskuak eta saihetsa erakutsi zizkien. Eta ikasleak pozez beterik gelditu ziren, Jauna ikustean.

Jesusek berriz ere: «Bakea zuekin. Aitak Ni bidali nauen bezala, Nik ere bidaltzen zaituztet zuek». Eta hori esanez, haizeman zuen haien gainera, eta esan zien: «Hartzazue Espiritu Santua: zuek bekatuak barkatzen dizkiezuenei, barkatuak gelditzen zaizkie; eta lotzen dizkiezuenei, lotuak gelditzen zaizkie».

Tomas, ordea, Hamabietako bat, Bizkia zeritzana, ez zegoen besteekin batean Jesus etorri zenean. Beste ikasleek esan zioten: «Jauna ikusi dugu». Tomasek, ordea: «Haren eskuetan iltzezuloak ikusten ez baditut, nire behatza Haren iltzezuloetan sartzen ez badut, eta nire eskua Haren saihetsean, ez dut sinetsiko».

Handik zortzi egunera, berriz ere barruan zeuden ikasleak, eta Tomas haiekin. Sartu zen Jesus, ateak itxirik zeudela, eta haien erdian zutik honela esan zien: «Bakea zuekin». Gero Tomasi: «Ekartzu behatz hori, hona hemen nire eskuak; ekartzu esku hori, eta sar ezazu nire saihetsean; eta ez izan sinesgor, sinestedun baizik».

Tomasek erantzun zion: «Ene Jauna eta ene Jaungoikoa!» Eta Jesusek: «Ikusi nauzulako sinetsi al duzu? Zorionekoak, ikusi gabe sinesten dutenak».

Beste ezaugarri asko ere egin zituen Jesusek bere ikasleen aurrean; baina ez daude idatzirik liburu honetan; idatzirik daudenak, honetarako daude idatzirik: sinets dezazuen Jesus, Mesias dela —Jaungoikoaren Semea—, eta hori sinetsirik, Haren izenean bizia izan dezazuen.

### **Oparigaien gainekoa**

Onar, Jauna, zeure herriaren  
[eta bataiatu berri hauen] eskaintzak;  
sinesmenak eta Bataioak biziberriturik,  
betiereko zoriona irits dezagun.  
Jesu Kristo.

Prefazioa: Pazkoaldikoa.

### **Jaunartze ondorengoa**

Jainko ahalguztiduna,  
iguzu, Pazko sakramentuetan hartu dugun graziak  
iraun dezala beti gure bihotzetan.  
Jesu Kristo.